



志第四

南齊書十三

天文上

臣蕭

子顯

撰

易曰聖人仰觀象於天俯觀法於地天文之事
 其來已久太祖革命受終膺集期運宋昇明三
 年太史令將作匠文孝建陳天文奏曰自孝建
 元年至昇明三年日蝕有十虧上有七占曰有
 亡國失君之象一曰國命絕主危亡孝建元年
 至昇明三年太白經天五占曰天下革民更王

異姓興孝建元年至昇明三年月犯房心四太白犯房心五占曰其國有喪宋當之孝建元年至永光元年奔星出入紫宮有四占曰國去其君有空國徙王大明二年至元徽四年天再裂占曰陽不足白虹貫日人君惡之孝建二年至大明五年月入太微太豫元年至昇明三年月又入太微孝建元年至元徽二年太白入太微各八熒惑入太微六占曰七耀行不軌道危亡之象貴人失權勢主亦衰當有王入為主孝

建二年至昇明二年太白熒惑經羽林各三占曰國殘更世孝建二年四月十二日熒惑守南斗成勾巳占曰天下易正更元孝建三年十二月一日填星熒惑辰星合于南斗占曰改立王公大明二年十二月二十六日太白犯填星于斗六年十一月十五日太白填星合于危占曰天子失土景和元年十月八日熒惑守太微成勾巳占曰王者惡之主命無期有徙主若主天下更紀泰始三年正月十七日白氣見西南東

西半天名曰長庚六年九月二十七日白氣又見東南長二丈竝形狀長大猛過彗星占曰除舊布新易主之象遠期一紀至昇明三年一紀訖泰始四年四月二十四日太白犯填星于胃占曰主命惡之泰始七年六月十七日太白歲星填星合于東井占曰改立王公元徽四年至昇明二年三月日有頻食占曰社稷將亡王者惡之元徽四年十月十日填星守大微宮逆從行歷四年占曰有亡君之戒易世立王元徽五年七月

月一日熒惑太白辰星合于翼占曰改立王公昇明二年六月二十日歲星守斗建陰陽終始之門大赦昇平之所起律歷七政之本源德星守之天下更年五禮更興多暴貴者昇明二年十月一日熒惑守輿鬼三年正月七日熒惑守兩戒間成勾己占曰尊者失朝必有亡國去王昇明三年正月十八日辰星孟効西方占曰天下更王昇明三年四月歲星在虛危徘徊玄枵之野則齊國有福厚為受慶之符今所記三辰

七曜之變起建元訖于隆昌以續宋史建武世
太史奏事明帝不欲使天變外傳竝祕而不出
自此闕焉

兩在間八日蝕 古曰食者大時必有古國去王

建元二年九月甲午朔日蝕 廿九日災海

三年七月己未朔日蝕 豐之暴貴者長即二十

永明元年十二月乙巳朔日蝕 之木感時星

十年十月二日癸未朔加時在午之半度到未初見

日始蝕虧起西北角蝕十分之四申時光色復還

隆昌元年五月甲戌合朔巳時日蝕三分之三

午時光復還

月蝕

建元四年七月戊辰月在危宿蝕

永明二年四月丁巳月在南斗宿蝕

三年十一月戊寅月入東井曠中因蝕三分之一

五年三月庚子月在氏宿蝕

九月戊戌月在胃宿蝕

六年九月癸巳月蝕在婁宿九度加時在寅之

火弱虧起東北角蝕十五分之十一
十五日子時蝕從東北始至子時末都既到丑
時光色還復

七年八月丁亥月在奎宿蝕

十月庚辰月奄蝕熒惑

八年六月庚寅月奄蝕畢左股第一星

十年十二月丁酉月蝕在柳度加時在酉之少

弱到亥時月蝕起東角七分之二至子時光色

還復

兩行係宗本
折文明補修
時刊

弱到亥時月蝕起東角七分之二至子時光色
還復

永泰元年四月癸亥月蝕色赤如血三日而大
司馬王敬則舉兵衆以為敬則禋烈所感

永元元年八月己未月蝕盡色皆赤是夜始安

王遙光伏誅

史臣曰日月代照實重天行上交下蝕同度相
掩案舊說曰日有五蝕謂起上下左右中央是
也交會舊術日蝕不從東始以月從其西東行

及日於交中交從外入內者先會後交虧西南
角先交後會虧西北角交從內出者先會後交
虧西北角先交後會虧西南角日正在交中者
則虧於西故不嘗蝕東也若日中有虧名爲西
子不名爲蝕也漢尚書令黃香曰日蝕皆從西
月蝕皆從東無上下中央者春秋魯相三年日
蝕貫中上下竟黑疑者以爲日月正等月何得
小而見日中鄭玄云月正掩日日光從四邊出
故言從中起也王逸以爲月若掩日當蝕日西

月行既疾須臾應過西崖既復次食東崖今察
日蝕西崖缺而光已復過東崖而獨不掩逸之
此意實爲巨疑先儒難月以望蝕去日極遠誰
蝕月乎說者稱日有暗氣天有虛道常與日衡
相對月行在虛道中則爲氣所奔故月爲蝕也
雖時加夜半日月當子午正隔於地猶爲暗氣
所蝕以天體大而地形小故也暗虛之氣如以
鏡在日下其光耀魄乃見於陰中常與日衡相
對故當星星亡當月月蝕今問之曰星月同體

俱兆日耀當月之蝕星不必亡若更有所當星未嘗蝕同稟異虧其故何也答曰日為陰主以當陽位體敵勢交自招盈損星雖同類而精景陋狹小毀皆亡無有受蝕之地纖光可滿亦不與弦望同形又難曰日之夜蝕驗於夜星之亡晝蝕既盡晝星何故反不見答之曰夫言光有所衝則有不衝之光矣言有所當亦有所不當矣夜食度遠與所當而同沒晝食度近由非衝而得明又問太白經天實遠日今度近更明於何取喻答曰向論二蝕之體用衝不同經與不經自由星遲疾難蝕引經恐未得也

日光色

建元四年十一月午時日色赤黃無光至暮在

箕宿

二年閏正月乙酉日黃赤無光至暮

永明五年十一月丁亥日出高三竿朱色赤黃

日暈虹抱珥直背

建元元年十二月未時日暈市黃白色至申乃

消散

永明二年正月丁酉日交暈再重

三年二月丁卯日有半暈暈上生一闕

四年五月丙午日暈再重仍白虹貫日在東井

度

六年三月甲申日於蘭雲中薄半暈須臾過市

日東南暈外有一直竝黃色壬辰日暈須臾日

西北生虹貫日中

八年十一月己亥日半暈南面不市日東西帶

暈各生珥長三尺白色珥各長十丈許正衝日

久久消散背因成重暈竝青絳色

九年正月甲午日半暈南面天市北帶暈生一

抱東西各生一珥抱北又有半暈抱珥竝黃色

北又生白虹貫日久久消散

建元元年六月甲申日南北兩珥西有抱黃白

色

永明二年十一月辛巳日東北有一背

三年十一月庚寅日西北有一背

四年正月辛巳日南北各生一珥又生一背
十二月辛未日西北生一直黃白色戊寅日北
生一背青絳色

五年八月己卯日東南生一珥並青絳色

六年二月丁巳日東北生黃色北有一珥黃赤
色久久並散庚申日西有一背赤青色東西生
一直南北各生一珥並黃白色

七年十月癸未日東北生一背青赤色須臾消
八年六月戊寅日於蒼白雲中南北各生一珥

青黃絳雜色澤潤並長三尺許至巳午消

隆昌元年正月壬戌日於蘭雲中暈南北帶暈
各生一直同長一丈須臾消

永元元年十二月乙酉日中有三黑子

月暈紀

建元四年十月庚寅月暈五車及參頭

永明元年正月壬辰是日至十五日月三暈太微及熒惑

三月庚申至十三日月三暈太微及熒惑

五年二月乙未自九日至是日月三暈太微

六年二月壬戌甲夜十三日甲夜十五日甲夜月並暈太微
永明元年十月己未月南斗各生一珥又有抱月犯列星
建元元年七月丁未月犯心大星北一寸丁卯
月入軒轅中犯第二星

十月丙申月在心大星西北七寸

十一月壬戌月在氐東南星五寸

十二月乙酉月犯太微西蕃南頭第一星庚寅

月行房道中無所犯癸卯月入南斗魁中無所犯

二年三月癸卯月犯心大星又犯後星

五月庚戌月入南斗

七月己巳月入南斗

三年二月癸巳月犯太微上將

四年二月乙亥月犯輿鬼西北星丙子月犯南

斗魁第二星辛未月犯心大星又犯後星

四月壬辰月犯軒轅左尾星庚子月犯箕東北星

五月丙寅月犯心後星戊寅月掩昴西北星

六月乙未月犯箕東北星

七月癸亥月行南斗魁中無所犯庚辰月犯軒轅女主

八月庚子月犯昴西南星壬寅月犯五車東南星壬申月犯軒轅少民星

九月丁巳月犯箕東北星壬辰月在營室度入羽林中二十日月入輿鬼犯積尸

十一月甲戌月犯五車南星

十二月丁酉月犯軒轅女主星又掩女御

永元元年正月己亥月犯心後星

二月乙未月犯軒轅女主星

六月癸酉月犯輿鬼西南星

八月乙丑月犯南斗第四星又犯輿鬼星

九月庚辰月犯太白左蕃度癸巳月犯東井北

轅西頭第一星

十二月丁卯月犯心前星又犯大星己巳月犯南斗第五星

二年二月甲子月犯南斗第四星又犯第三星

三月丁丑犯東井北轅北頭第一星

四月戊申月犯軒轅右角

六月丙寅月犯東井轅頭第一星

八月丙午月掩心大星戊申月犯南斗第三星

戊子月犯東井北轅西頭第一星

十二月庚辰月犯昴星丙戌月犯軒轅左角

十二月壬戌月犯心前星又犯大星

三年二月己未月犯南斗第五星

三月壬申月在東井無所犯

六月丙午月掩心前星

八月丙辰月犯東井北轅第二星

九月癸未月犯東井南轅西頭第一星

四年正月癸酉月入東井無所犯乙亥月犯輿鬼

閏月辛亥月犯房

二月丁卯月犯東井鉞

三月乙未月入東井無所犯

七月辛亥月犯東井

八月戊寅月犯東井

九月辛卯月與太白於尾合宿丙午月入東井

十一月辛丑月入東井曠中二十亥月犯二方北頭

第二星

十二月己巳月犯東井北轅東頭第二星辛巳

月犯南斗第六星

五年正月丙午月犯房鉤鈴

二月癸亥月犯東井南轅西頭第二星

三月癸卯月犯南斗第六星

六月乙丑月犯南斗第六星在南斗七寸丙

寅月犯西建星北一尺

史臣曰月令昏明中星皆二十八宿箕斗之間
微為踈闊故仲春之與孟秋建星再用與宿度
竝列亟經陵犯災之所主未有舊占石氏星經

云斗主爵祿褒賢進士故置建星以為輔若犯
建之異不與斗同則據文求義亦空相之占也
七月丁未月行入東井曠中無所犯

八月壬申月在畢犯左股第二星西北三寸

九月戊子月在填星北一尺八寸為合宿

十月戊寅月入氐犯東南星西北一尺餘

十一月戊寅月入氐

十二月戊午月在東壁度在箕惑北相去二尺
七寸為合宿甲子月在東壁度東南九寸為犯

癸酉月在歲星南七寸為犯

六年正月戊戌月在角星南相去三寸

二月丁卯月在氐西南六寸

三月乙未月入氐中在歲星南一尺寸為合宿

四月癸丑月犯東井南轅西頭第二星壬戌月

在氐西南星東南五為犯漸入氐中與歲星

同在氐度為合宿癸亥月行在房北頭第一星

西南一尺為犯

六月乙卯月在角星東一寸為犯丁巳月行入

氐無所犯在歲星東三寸為合宿

七月乙酉月入房北頭第二次相星西北八寸

為犯庚寅月在牽牛中星南一寸為犯庚子日

行在畢左股第一星七寸為犯又進入畢

八月壬子月行在歲星東二尺五寸同在氐中

為合宿

九月庚辰月在房北頭第一上相星東北一尺

為犯又掩犯關鍵閉星丁酉月行入東井甲辰

月在左角星西北九寸為犯又在熒惑西南一

尺六寸為合宿

十月癸酉月入氏中在西南星東北三寸為犯

閏月壬辰月行入東井

十一月丙戌月行入羽林中無所犯乙未月行

在東井南轅西頭第二星南一尺為犯丙寅月

在左角北八寸為犯辛未月行在太白東北一

尺五寸同在箕度為合宿

十二月甲申月行在畢左股第二星北七寸為

犯乙未月行入氏西南星東北一尺為犯丙申

月在房北頭上相星北一尺為犯

七年正月甲寅月入東井曠中無所犯戊辰月

掩犯牽牛中星

二月辛巳月掩犯東井北轅東頭第一星

三月庚申月在歲星西北三尺同在箕度為

合宿

四月乙酉月入氏中無所犯丙戌月犯房星北

頭第一上相星北一尺在捷閉西北四寸為犯

六月乙酉月犯牽牛中星乙未月入畢在左股

第二星東八寸為犯

七月丁未月入氏中無所犯戊申在捷閉星東北一尺為犯

八月甲戌月入氏在西南星東北一尺為犯庚

寅月在畢右股第一星東北一尺為犯

九月丁巳月掩犯畢右股第一星庚申月在東井北轅東頭第一星西北八寸為犯

十月甲申月行掩畢左股第三星丁酉月行在捷閉星西北八寸為犯

十二月壬午月左東井北轅東頭第一星北八寸為犯

八年正月丁巳月在亢南頭第二星南七寸為犯

二月己巳月行在畢右股第一星東北六寸為犯

六月甲戌月在亢南頭第二星西南七寸為犯

八月乙亥月在牽牛中星南九寸為犯辛卯月

在軒轅女御南八寸為犯

九月辛酉月在太微左執法星南四寸為犯

十月壬午月入東井曠中無所犯戊子月在太

微右執法星東南六寸為犯

十一月戊戌月行在填星北二尺二寸

為合宿乙卯月行在太微右執法星南

二寸為犯

十二月庚辰月行在軒轅右角星南二寸為犯

癸未月掩犯太微右執法

九年正月辛丑月在畢躔西星北六寸為犯

庚申月在歲星西北二尺五寸同在須女度為合宿

二月辛未月入東井曠中無所犯壬申月行東

井北轅東頭第一星北九寸為犯

三月丙申月入畢在左股第二星東北六寸又

掩大星

四月庚午月在軒轅女御星南八寸為犯癸酉

月在太微東南頭上相星南八寸為犯癸未月

在歲星北為犯在危度

五月庚子月行掩犯太微在執法丁未月掩犯

東建西星

七月癸巳月在太白東五寸為犯乙未月在太
微東蕃南頭上相星西南五寸為犯壬寅月掩
犯東建星癸卯月在牽牛南星北五寸為犯乙
巳月在歲星北六寸為犯

閏七月辛酉月在軒轅女御星西南三寸為犯
八月月在軒轅左民星東八寸為犯

九月乙丑月掩牽牛南星癸未月入太微在右
執法東北四寸為犯甲申月掩太微東蕃南頭

上相星

十月甲午月行在填星西北八寸為犯在虛度
戊申月在軒轅女主星南四寸掩女御竝為犯
辛亥月入太微左執法東北七寸為犯

十一月壬戌月行掩犯歲星巳巳月在畢右股
大星東一寸為犯辛未月在東井南轅西頭第
三星南八寸為犯又入東井曠中丙子月入在
軒轅左民星東北七寸為犯丁丑月行在太微
西蕃上將星南五寸為犯

十二月庚寅月行在歲星東南八寸為犯丙午
月掩犯太微東蕃南頭上相星

十年正月庚午月在軒轅右角大民星南八寸
為犯

二月己亥月行太微在右掖門甲辰月行入氐
中掩犯東北星壬子月行入羽林

三月己卯月行入羽林在填星東北七寸為犯
在危四度

四月甲午月行入太微在右掖門內丙午月行

在危度入羽林

五月己巳月掩南斗第三星甲戌月行在危度
入羽林

六月戊子月在張度在熒惑星東三寸為犯己
丑月行入太微在右掖門丁酉月掩西建星西
丁未月行入畢犯右股大赤星

七月甲戌月行在畢驢星西北六寸為犯丁丑
月在東井北轅東頭第二星西南九寸為犯

八月辛卯月行西建星東一尺又在東星西四

寸為犯壬寅月行在畢右股大赤星東北四寸
為犯甲辰月行入東井曠中無所犯戊申月行
在軒轅女主星西九寸為犯辛亥月入太微在
左執法星北二尺七寸為犯

九月癸亥月行掩犯填星一寸在危度

十月辛卯月在危度入羽林無所犯癸亥月入
東井曠中無所犯

十一月甲子月入畢進右股大赤星西北五寸
為犯壬申月入太微在右執法星東北一尺三

寸無所犯丁丑月入氐無所犯

十二月甲午月入東井曠中又進北轅東頭第
二星四寸為犯庚子月入太微在右執法星東
北三尺無所犯

十一年正月辛酉月入東井曠中無所犯乙丑
月在軒轅女主星北八寸為犯壬申月行在氐
星東北九寸為犯

二月甲午月行入太微在上將星東北一尺五
寸無所犯壬寅月行掩犯南斗第六星癸卯月

掩犯西建中星又掩東星

四月乙丑月入太微在右執法西北一尺四寸

無所犯壬寅月行在危度入羽林無所犯

五月丁巳月行入太微左執法星北三尺無所

犯甲子月行在南斗第二星西七寸為犯乙丑

月掩犯西建中星又犯東星六寸

六月辛丑月行掩犯畢左股第三星壬寅月入

畢七月壬子月入太微在左執法東三尺無所

犯丙辰月行入氐在東北星西南六寸為犯己

未月行南斗第六星南四寸為犯庚申月行在

西建星東南一寸為犯

九月庚寅月行在哭星西南六寸為犯壬辰日

行在營室度入羽林無所犯丁酉月入畢左右

股大赤星西北六寸為犯己亥月入東井曠中

無所犯乙巳月行太微當右掖門內在屏星西

南六寸為犯

十月壬午月行在東建中星九寸為犯

十一月壬子月在哭星南五寸為犯辛酉月行

在東井鉞星南八寸又在東井南轅西頭第二
星南五寸竝為犯進入井中丁卯月入太微壬
申月行入氐無所犯

十二月辛巳月入羽林又入東井曠中又入東
井北轅西頭第二星南六寸為犯乙未月入太
微在右執法星東北二尺無所犯乙亥月入氐
無所犯

隆昌元年正月辛亥月入畢在左股第一星東
南一尺為犯

三月辛亥月在東井北轅西頭第二星東七寸
為犯甲申月入太微在屏星南九寸為犯

六月乙丑月入畢在右股第一星東北五寸為
犯又在歲星東南一尺為犯丁卯月入東井南
轅西頭第一星東北七寸為犯

泰元元年七月月掩心中星

南齊書卷之十三
 志第五
 天文下
 臣蕭子顯撰
 南齊書卷之十三
 志第五
 天文下
 臣蕭子顯撰

志第五

南齊書十三

天文下

臣蕭子顯撰

史臣曰天文設象宜備內外兩宮但災之所躔
 不必遍行景緯五星精晷與二曜而為七妖祥
 是主曆數攸司蓋有殊於列宿也若北辰不移
 據在杠軸眾星動流實繫天體五星從伏非關
 二義故徐顯思以五星為非星虞喜論之詳矣

五星相犯列宿雜災

建元元年八月辛亥太白犯軒轅大星

九月癸丑太白從行於軫犯填星

二年六月丙子太白晝見

四年二月丙戌太白晝見在午上

六年辛卯太白晝見午上庚子太白入東井無

所犯

七月己未太白有光影

八月戊子太白從軒轅犯女主星甲辰太白從
行犯軒轅少民星

九月巳卯太白從行犯太微西蕃上將辛酉太

白從行入太微在右執法星西北一尺戊辰太

白從行犯太微左執法

十二月壬子太白從行犯填星在氐度丙辰太

白從行犯房北頭第一星丁卯太白犯鍵閉星

永明元年六月巳酉太白行犯太微上將星辛

酉太白行犯太微左執法

八月甲申太白犯南斗第四星

九月乙酉太白犯南斗第三星壬辰太白熒惑

合同在南斗度

十月丁卯太白犯哭星

二年正月戊戌太白晝見當午上

三月甲戌太白從行入羽林

四月丙申太白從行犯東井鉞星

六月戊辰太白熒惑合同在輿鬼度巳巳太白

從行輿鬼度犯歲星

三年四月丁未太白晝見癸亥太白晝見當午上

五月戊子太白犯少民星

八月丁巳太白晝見當午上

十一月壬申太白從行入辰

十二月己酉太白填星合在箕度

四年九月壬辰太白晝見當午丙午太白犯

南斗

十一月庚子太白入羽林又犯天關

五年五月丁酉太白晝見當午上庚子太白三

犯畢左股第一星西南一尺

六月甲戌太白犯東井北轅第三星在四尺

八月甲寅太白從行入軒轅在女主星東北一尺二寸不為犯戊辰太白從在太微西蕃上將星西南五寸辛巳太白從在太微左執法星西北四寸

六年四月辛酉太白從在熒惑北三寸為犯竝在東井度

五月癸卯太白晝見當午上

六月己巳太白從在太微西蕃右執法星東南四寸為犯

七月己巳太白在氐角

八月乙亥太白從行在房南第二左股次將星

西南一尺為犯

閏八月甲午太白晝見當年

十一月戊午太白從在歲星西北四尺同在尾度又在熒惑東北六尺五寸在心度合宿

十二月壬寅太白從行在填星西南二尺五寸斗度

七年二月辛巳太白從行入羽林

十月癸酉太白在歲星南相去一尺六寸從在箕度為合

十一月丁卯太白從行入羽林

八年正月丁未太白晝見當午上

六年戊子太白從行入東井己丑太白晝見當

午

八月庚辰太白從三軒轅女主星南七尺為犯

九月丙申太白從行在太微西蕃上將星西南

一尺為犯丁未太白從行入大微辛酉太白從

行在進賢西五寸為犯

十月乙亥太白從行在亢南第二星西南一尺

為犯甲申太白從行入氏

十一月戊戌太白從行在房北頭第二星東北

一寸又在捷閉星西南七寸竝為犯又在熒惑

西北二尺為合宿癸卯太白從行在熒惑東北

一尺為犯

九年四月癸未太白從歷夕見西方從疾參宿

一度比來多陰至己丑開除已見在日北當西

北維上薄昏不見宿星則為先歷而見

六月丙子太白晝見當年上

七月辛卯太白從行入太微在西蕃上將星北

四寸為犯

九月乙亥太白從行在南斗第四星北二寸為

犯丁卯太白在南斗第三星西一寸為犯

十年二月甲辰太白從行入羽林

五月辛巳太白從行入東井在軒轅西第一星

東六寸為犯

七月乙丑太白從行在軒轅大星東八寸為犯

十一年正月戊辰太白從行在歲星西北六寸

為犯在奎度

二月丁丑太白從行東井北轅西頭第一星東

北一尺為犯

四月戊子太白在五諸侯東第二星西北六寸為犯

辛丑太白從行入輿鬼在東北星西南四寸為犯

五月戊午太白晝見當年名為經天癸亥太白

從行入軒轅大星北一尺二寸無所犯

九月己酉太白晝見當午上

十月丙戌太白行在進賢星西南四寸為犯

十一月戊戌太白從行入氐丁卯太白從行在

捷閉星西北六寸為犯

十二月壬辰太白從行在南斗第六星東南一

尺為犯辛丑太白從行在西建東星西南一尺

為犯

建元元年五月己未熒惑犯太微西蕃上將又

犯東蕃上將

二年十月辛酉熒惑守太微

四年六月戊子熒惑從行入東井無所犯戊戌

熒惑在東井度形色小而黃黑不明丁丑熒惑

太白同在東井度

七月甲戌熒惑從行入輿鬼犯積尸

十月癸未熒惑從行犯太微西蕃上將星丙戌

熒惑從入太微

十一月丙辰熒惑後行在太微犯右執法

永明元年正月己亥熒惑逆犯上相辛亥熒惑

守角庚子熒惑逆入太微

三月丁卯熒惑守太白

六月戊申熒惑從犯亢巳巳熒惑從行犯氐東南星

七月戊寅熒惑填星同在氐度丁亥熒惑行犯房北頭第二星

八月乙丑熒惑從行犯天江甲戌熒惑犯南斗第五星

十一月丙申熒惑入羽林

二年八月庚午熒惑犯太微西蕃上將癸未熒惑犯太微右執法丁酉熒惑犯太微右執法

十月庚申熒惑犯進賢

十一月壬辰熒惑犯亢南第二星丙申熒惑犯凡南星

十二月乙卯熒惑入氐

三年二月乙卯熒惑在房北頭第一星西北一尺徘徊守房

四月戊戌熒惑犯

六月乙亥熒惑犯房癸亥熒惑犯天江南頭第一星
二星

八月丁巳熒惑犯南斗第五星
十一月丙戌熒惑從行入羽林

四年八月戊辰熒惑入太微癸酉熒惑犯太微
右執法戊子熒惑在太微

九月戊申熒惑犯歲星巳酉熒惑犯歲星辛酉
相接

十月丁丑熒惑犯亢南頭第一星

十一月庚寅熒惑犯氐西南星

十二月己未熒惑犯房北頭第一星庚申熒惑
入房北犯鉤鈴星

五年二月乙亥熒惑填星同在南斗度為合宿
九月乙未熒惑從行在哭星東相去半寸

六年四月癸丑熒惑伏在參度去太白二尺五
寸辰星去太白五尺二星為合宿甲戌熒惑在
辰星東南二尺五寸俱從行入東井曠中無
所犯

閏四月丁丑熒惑從行在氐西南星北七寸為犯已卯熒惑從行入氐無所犯乙巳熒惑從行在房北頭第一上將右驂星南六寸為犯又在鉤鈴星西北五寸

十一月丙寅熒惑從行在歲星西相去四尺同在尾度為合宿

七年二月丙子熒惑從行在填星西相去二尺同在辛牛度為合宿

三月戊午熒惑從行在泣星西北七寸戊辰熒惑

從行入羽林

八月戊戌熒惑逆入羽林

九月乙丑熒惑入羽林成句已

八年四月丙申熒惑從行入輿鬼在西北星東南二寸為犯

十月乙亥熒惑入氐

十一月乙未熒惑從行入北落門在第一星東南去鉤鈴三寸為犯

九年三月甲午熒惑從行在填星東七寸在歲星南

六寸同在虛度為犯為合宿

四月癸亥熒惑從行入羽林

閏七月辛酉熒惑從行在畢左股星西北一寸為犯

八月十四日熒惑應伏在昴三度前先層在畢度二十一日始逆行北轉垂及玄冬熒惑囚死之時而形色漸大於常

十年二月庚子熒惑從入東井北轅西頭第一星西二寸為犯

三月癸未熒惑從行在輿鬼西北七寸為犯乙

酉熒惑從行入輿鬼

六月壬寅熒惑從行入太微

十年二月庚戌熒惑從在鎮星西北六寸為

犯同在營室

五月戊午熒惑從行在歲星西南六寸為犯同

在婁度

八月辛巳熒惑從行入東井在南轅西第一星

東北一尺四寸

十一月丁巳熒惑逆行在五諸侯東星北四寸
為犯

隆昌元年三月乙丑熒惑從行入輿鬼西北星
東一寸為犯癸酉熒惑從行在輿鬼積於星東
北七寸為犯

閏三月甲寅熒惑從入軒轅

五月丁酉熒惑從入太微在右執法北二寸為犯
建元四年正月己卯熒惑星太白俱從行同在婁
度為合

六月丁酉歲星晝見

永明元年五月甲午歲星入東井

七月壬午歲星晝見

三年五月丙子歲星與太白合

六月辛丑歲星與辰星合

十月己巳歲星從入太微

十月甲子歲星從入太微犯右執法

四年閏二月丙辰歲星犯太微上將

三月庚申歲星犯太微上將

四百三十三
四月己未歲星犯右執法

八月乙巳歲星犯進賢又與熒惑於軫度合宿
五年二月癸卯歲星犯進賢

六月甲子歲星蓋見在軫度

十月己未歲星從在氐西南星北七寸又辰星
從入氐在歲星西四尺五寸又太白從在辰星東
相去一尺同在氐度三星為合宿

十二月甲戌歲星晝見

六年三月甲申歲星逆行入氐宿

六月丙寅歲星晝見在氐度

八年三月庚申歲星守牽牛

九年二月壬午歲星從在填星西七寸同在虛
度為合

閏七月辛酉歲星在泣星北五寸為犯又守填

星九月辛卯在泣星西一尺五寸為合

永明元年六月辰星從行入太微在太白西北

一尺

二年八月甲寅辰星於翼犯太白

九年六月丙子辰星隨太白於西方在七星度相去一尺四寸為合宿

十一年九月丙辰辰星依曆應夕見西方亢宿一度至九月八日不見

隆昌元年正月丙戌辰星見危度在太白北二尺為犯

建元三年十月癸丑填星逆行守氐

四年七月戊辰填星從行入氐

永明元年正月庚寅填星守房心

三月甲子填星逆行犯西咸星

二年二月戊辰填星犯東咸星

四年十二月辛巳填星犯建星

七年十二月戊辰填星在須女度又辰星從在

填星西南一尺一寸為合宿

八年三月庚申填星守哭尾

九年七月庚戌填星逆在泣西星東北七寸

為犯

十月甲午填星從行在泣星西北五寸為犯

流星災

建元元年十月癸酉有流星太如三升壚色白尾長五丈從南河東北二尺出北行歷輿鬼西過未至軒轅後星而沒沒後餘中央曲如車輪俄傾化爲白雲父乃滅流星自下而升名曰飛星三年十月丙午有流星太如月赤白色尾長七丈西北行入紫宮中光照牆垣

四年正月辛未有流星太如三升壚赤色從北極第二星北一尺出北行一丈而沒

九月壬子流星如鵝卵從柳北出入軒轅又一枚如瓜大出西行沒空中

永明元年六月己酉有流星如二升椀從紫宮出南行沒氏

二年三月庚辰有流星如二升椀從天市中出南行在心後

四年二月乙丑有流星大如一升器戊辰有流星大如五升器

四月丁卯有流星大如一升器從南斗東北出

二百廿四
西行經斗入氐

六月丙戌有流星大如鴨卵從匏瓜南出至虛而入

八月辛未有流星大如三升塹從觜星南出西南行入天濛沒

十一月戊寅有流星大如二升塹白色從亢東北出行入天市

十二月丁巳有流星大如三升碗白色從天市帝座出東北行一丈而沒

五年六月辛未有流星大如三升器沒後有痕
九月丙申有流星大如四升器白色有光照地
十二月甲子西北有流星大如鴨卵黃白色尾長六尺西南行一丈餘沒

六年三月癸酉有流星大如鴨卵赤色無尾

四月丙辰北面有流星大如二升器白色北行六尺而沒

七月癸巳有流星大如鵝卵白色從匏瓜南出西南行一丈沒空中須臾又有流星大如五升

器白色從北河南出東北行一丈三尺沒空中
十月戊寅南面有流星大如雞卵赤色在東南
行沒沒後如連珠

十二月壬寅有流星大如鵝卵黃白色尾長三
丈有光沒後有疾從梗河出西行一丈許沒空中
七年正月甲寅有流星如五升器白色尾長四
尺從坐旗星出西行入五車而過沒空中

六月丁丑流星大如二升器黃赤色有光尾長
六尺許從亢南出西行入翼中而沒沒後如

連珠

十月乙丑有流星如三升器赤黃色尾長六尺
出紫宮內北極星東南行三丈沒空中壬辰流
星如三升器白色有光從五車北出行入紫宮
抵北極第一第二星而過落空中尾如連珠仍
有音響似雷太史奏名曰天狗

八年四月癸巳有流星如二升器黃白色有光
從心星南一尺許出南行二丈沒沒後如連珠
丁巳流星如鵝白色長五丈許從角星東北二

尺出西北行役太微西蕃上將星間
六月癸未
有流星如鴨卵赤色從紫宮中出西
南行未至大角五尺許沒

七月戊申
有流星如五升器赤白色長七尺東
南行二丈沒空中

十月乙亥
有流星如鵝卵白色從紫宮中出西
北行三丈許沒空中

十一月乙未
有流星如鵝卵赤白色有光無尾
從氐北一丈出南行入氐中沒辛丑
流星如鵝

卵白色從參伐出南行一丈沒空中
又有一流星大如三升器白色從軫中出
東南行入婁中沒九年五月庚子
有流星如雞子白色無尾從紫宮裏
黃帝座星西二尺出南行一丈沒空中
丁未流星如李子白色無尾從奎東北
大星東二尺出東北行至天將軍而沒
戊申流星如鵝卵黃白色尾長二丈從
其星東一尺出南行四丈沒七月乙卯
西南有流星大如二升器白色無尾
西南行一丈餘沒戊子有流星如二升
器黃白

色有光從天江星西出東北經天過入參中而
沒沒後如連珠

閏七月戊辰流星如鵝卵赤色尾長二尺從文
昌西行入紫宮沒巳巳西南有流星如二升器
白色西南行一丈沒

九月戊子有流星大如雞卵白色從少微星北
頭出東行入太微抵帝座星而過未至東蕃次
相一尺沒如散珠

十年正月甲戌有流星如五升器白色從氏中
出東南行經房道過從心星南二尺沒

三月癸未有流星如雞卵青白色尾長四尺從
牽牛南八寸出南行一丈沒空也

十一年二月壬寅東北有流星如一升器白色
無尾北行三丈而沒

四月丙申有流星如三升器白色有光尾長一
丈許從箕星東北一尺出行二丈許入斗度沒
空中臨沒如連珠

五月壬申有流星大如雞子黃白色從太微端

門出無所犯西南行一丈許沒沒後有痕
七月辛酉有流星如雞子赤色無尾從氏中出
西行一丈五尺沒空中戊寅有流星如雞卵黃
白色從紫宮東蕃內出東北行一丈五尺至北
極第五星西北四尺沒

九月乙酉有流星如鴨卵黃白色從婁南一尺
出東行二丈

十二月己丑西南有流星如三升器黃赤色無
尾西南行三丈許沒散如遺火

永元三年夜天開黃色明照漢史有物絳色如
小甕漸漸大如倉廩聲隆隆如雷墜太湖中野
雉皆雊世人呼爲木殃史臣案春秋緯天狗如
大奔星有聲望之如火見則四方相射漢史云
西北有三大星如日狀名曰天狗天狗出則人
相食天官云天狗狀如大鏡星又云如大流星
色黃有聲其止地類狗所墜望之如火光炎炎
衝天其上銳其下圓如數頃田見則流血千里
破軍殺將漢史又云照明下爲天狗所下兵起

血流昭明星也洛書云昭明見而霸者出運斗
樞云昭明有芒角兵徵也河圖云太白散為天
狗漢史又云有星出其狀赤白有光即為天狗
其下小無足所下國易政衆說不同未詳孰是
推亂亡之運此其必天狗乎

老人星

建元元年十一月戊辰老人星見南方丙上八月
癸卯祠老人星

永明三年八月丁酉老人星見南方丙上

六年八月壬戌老人星見南方丙上

七年七月壬戌老人星見南方丙上

九年閏七月戊寅老人星見南方丙上

十年八月乙酉老人星見

十一年九月丙寅老人星見南方丙上

白虹雲氣

建元四年二月辛卯白虹貫日

永明十年七月癸酉西方有白虹須臾滅

十一年九月甲午西方有白虹南頭指申北頭

指戍上久久消滅

建元四年二月辛卯黑氣大小二枚東至卯西
至酉廣五丈久久消滅

永明二年四月丁未北斗第六第七星間有一
白氣

四年正月辛未黃白氣長丈五尺許入大微

永明四年正月癸未南面有陣雲一丈許

五年四月己巳有雲色黑廣五尺東頭指丑西
頭指酉竝至地

十一月乙巳東南有陣雲高一丈北至卯東南
至己久久散漫

六年二月癸亥東西有一梗雲半天曲向西蒼
白色

三月庚辰南面有梗雲黑色廣六寸

七年十月辛未有一梗雲蒼黑色東頭至寅西頭
指酉廣三尺貫紫宮久久消漫

八年十一月乙未有一梗雲黑色六尺許東頭至
卯西頭至酉久久散漫

二百廿四
南齊書卷之八十五
十二月庚辰南面有陣雲黑色高一丈許東頭
至巳西頭至未久久散漫

十一年七月丙辰東面有梗雲蒼白色廣二尺
三寸南頭指巳至地北頭指子至地久久漸散
漫

贊曰陽精火鏡陰靈水存有稟有射代爲明昏
垂光滿蓋列景周渾具位臣輔備象街門災生
霄薄崇起飛奔弗忘人懼瑜瑕辯論若任天道
竈亦多言

志第五

南齊書十三

志第五

南齊書十二

志第六

婁

齊

南齊書十四

吳郡

會稽

臣蕭

子顯

撰

州郡上

揚

南徐

豫

南豫

南兗

北兗

北徐

青

冀

江

廣

交

越

揚州京輦神臯漢魏刺史鎮壽春吳置持節

督州牧八人不見揚州都督所治晉太康元年

吳平刺史周浚始鎮江南元帝為都督渡江左

遂成帝畿望實隆重領郡如左

丹陽郡

建康 秣陵 丹陽 溧陽 永世

湖熟 江寧 句容

會稽郡

山陰 永興 上虞 餘姚 諸暨

剡 鄞 始寧 句章 鄞

吳郡

吳 婁 海虞 嘉興 海鹽

錢唐 富陽 鹽官 新城 建德

壽昌 桐廬

吳興郡

烏程 武康 餘杭 東遷 長城

於潛 臨安 故鄣 安吉 原鄉

東陽郡

長山 太夫 烏傷 永康 信安

吳寧 豐安 定陽 遂昌

新安郡

始新 黟 遂安 歙 海寧

臨海郡

章安 臨海 寧海 始豐 樂安

永嘉郡

永寧 安固 松陽 橫陽 樂成

南徐州鎮京口吳置幽州牧屯兵在焉丹徒水

道入通吳會孫權初鎮之爾雅曰絕高為京今

京城因山為壘望海臨江緣江為境似河內郡

內鎮優重宋氏以來桑梓帝宅江左流寓多出

膏腴領郡如左

南東海郡

郊 祝其 襄賁 利成 西隰

丹徒 武進

晉陵郡

晉陵 無錫 延陵 曲阿 暨陽

南沙 海陽

義興郡

永明二年割屬揚州後復舊

陽羨 臨津 國山 義鄉 綏安

南琅邪郡

本治金城永明徙治白下

臨沂

江乘

蘭陵

承

建武三年省

譙

建元二年平陽郡流民在臨江郡者立宣祚縣尋改為譙永明元年省懷化一縣并屬

臨淮郡

自此以下郡無實土

海西

射陽

凌

淮陰

東陽

淮浦

建武二年省

淮陵郡

司吾

武陽

建武三年省泰山郡屬

甄城

陽樂

徐

建武三年省

南東莞郡

東莞

姑幕

建武三年省

南清河郡

南徐州領冀州

東武城

清河

貝丘

繹幕

建武二年省

南彭城郡

彭城

武原

傅陽

蕃

薛

開陽

汶

僮

下邳

建武三年省

呂

建武四年省

杼秋

建武四年省

北陵

建武四年省

南高平郡

宋太始五年僑置初寄治淮陰復徙淮南當塗二縣僑屬南豫後屬南徐

南高 金鄉 高平

南濟陰郡

城武 單父

城陽 建武三年省

南濮陽郡

廩丘 東燕 會

郟城 建武三年省 濟陽郡度屬

榆次 建武二年省

南魯郡 建武二年省

魯 樊

西安 建武二年省

南平昌郡 建武三年省

安丘 郡省屬 東莞

新樂 郡省屬 東莞

東武 高密

南泰山郡 建武三年省

南城 郡省度屬 平昌尋又省

廣平

南濟陽郡 建武三年省

考城 郡省度屬 魯尋又省

豫州百元帝永昌元年刺史祖約避胡賊自譙

還塗壽春壽春淮南一都之會地方千餘里有

岐田之饒漢魏以來揚州刺史所治北拒淮水

禹貢之淮海惟揚州也咸和四年祖約以城降

胡復以庾亮為刺史治蕪湖蕪湖浦水南入亦為險與劉備謂孫權曰江東先有建業次有蕪湖庾亮經略中原以毛寶為刺史治邾城為胡所覆荊州刺史庾翼領州在武昌諸郡失土荒民數千無佃業翼表移西陽新蔡二郡荒民就陂田於尋陽穆帝永和五年胡偽揚州刺史王浹以壽春降而刺史或治歷陽進馬頭及譙不復歸荊鎮也哀帝隆和元年袁真還壽春真為桓溫所滅溫以子熙為刺史戍歷陽孝武寧康元年桓沖移姑孰以邊寇未靜分割譙梁二郡見民置之浣川立為南譙梁郡十二年桓石虔還歷陽庾准為刺史表省諸權置皆還如本義熙二年劉毅復鎮姑孰上表曰忝任此州地不為曠西界荒餘密邇寇虜北垂蕭條土氣彊獷民不識義唯戰是習逋逃不逞不謀日會比年以來無月不戰實非空乏所能獨撫請輔國將軍張暢領淮南安豐梁國三郡時豫州邊荒至乃如此十二年劉義慶鎮壽春後常為州治撫

接遐荒扞禦疆場領郡如左

南汝陰郡

建元二年罷南陳左郡二縣并

慎
汝陰
宋
安陽
和城

南頓
陽夏
宋丘
樊

永元元年地志無

宋元志無

鄭
東宋
南陳左縣

永元志無

永元志無

宋元志無

邊水

永元志無

晉熙郡

新治
陰安
懷寧
南樓煩

齊興
太湖左縣

潁川郡

臨潁
邵陵
南許昌
曲陽

永元志無

汝陽郡

武津
汝陽

梁郡

永元元年地志南梁郡領睢陽新汲陳蒙崇義五縣

北譙
梁
蒙
城父

永元志屬南譙

北陳郡

陽夏
西華
長平
項

陳留郡

浚儀 小黃 雍丘

南頓郡 永元元年 地志無

和城 南頓

西南頓郡 寄治州永元元年 地志無

西南頓 和城 譙 平鄉

北梁郡 永元元年 地志無

北蒙 北陳

西汝陰郡

樓煩 汝陰 宋 陳 永元 志無 平謗 永元 志無

固始 永元 志無 新蔡 永元 志無 汝南 永元 志無 安城

北譙郡

寧陵 譙 蕪 永元 志屬南譙

汝南郡 永元元年 地志無

睢陽 安城 上蔡

北新蔡郡

鮑陽 新蔡 固始 苞信

弋陽郡

期思 南新息 弋陽 上蔡 平輿

陳郡

南陳 葭平永元志無 項永元志無 西華永元志無

陽夏永元志無

安豐郡

雩婁 新化 史水 扶陽 開化

白邊城 松滋永元志屬北新蔡 安豐

尤城左郡

樂安 光城 茹田

邊城郡永元元年地志無

建寧郡

陽城 建寧

齊昌郡

陽塘 保城 齊昌 永興

右三郡永明四年割郢州屬

南豫州晉寧康元年豫州刺史桓冲始鎮姑熟後遷徙見晉書宋永初二年分淮東為南豫州

治歷陽而淮西為豫州元嘉七年省并大明元年復置治姑熟泰始二年治歷陽三年治宣城

五年省淮西沒虜七年復分淮東置南豫建元
二年太祖以西豫吏民寡刻分置兩州損費甚
多省南豫左僕射王儉啓愚意政以江西連接
汝潁土曠民希匈奴越逸唯以壽春爲阻若使
州任得才虜動要有聲聞豫設防禦此則不俟
南豫假令或慮一失醜羯之來聲不先聞胡馬
倏至壽陽嬰城固守不能斷其路朝廷遣軍歷
陽已當不得先機戎車初戒每事草創孰與方
鎮常居軍府素正臨時配助所益實少安不忘

危古之善政所以江左屢方南豫意亦可求如
聞西豫力役尚復粗可合得南譙等郡民戶益
薄於其實益復何足云太祖不從永明二年割
揚州宣城淮南豫州廡陽譙廬江臨江六郡復
置南豫州四年寇軍長史沈憲啓二豫分置以
桑堞子亭爲斷潁川汝陽在南譙歷陽界內悉
屬西豫廬江居晉熙汝陰之中屬南豫求以潁
川汝陽屬南豫廬江還西豫七年南豫州別駕
殷瀾稱潁川汝陽荒殘來久流民分散在譙歷

二境多蒙復徐獲有郡名租輸益微府州絕無
將吏空受名領終無實益但寄治譙歷於方斷
之宜實應屬南豫二豫亟經分置廬江屬南豫
濱帶長江與南譙接境民黎租帛從流送州實
為便利遠踰西豫非其所願郡領隔舒及始新
左縣村竹產府州採伐為益不少府州新創異
於舊藩資役多闕實希得廬江請依昔分置
尚書參議往年慮造塵須實故啓迴換今淮泗
無虞宜許所牒詔可領郡如左

淮南郡

于湖

永明八年省甬城
高平下邳三縣并

繁昌

當塗

浚道

定陵

襄垣

宣城郡

廣德

懷安

宛陵

廣陽

石城

臨城

寧國

宣城

建元

涇

安吳

歷陽郡

歷陽

龍亢

雍丘

南譙郡

山桑 蘄 北許昌永元志無 扶陽

曲陽 嘉平

廬江郡

舒建元二年為郡治 瀟 始新 和城永元志無

西華永元志無 呂亭左縣建元二年割晉熙屬

譙建元二年割南譙屬

臨江郡建元二年罷并歷陽後復置

烏江 懷德 鄴

南兖州鎮廣陵漢故王國有江都浦水魏文帝伐吳出此見江濤盛壯歎云天所以限南北也晉元帝過江建興四年揚聲北討遣宣城公裒督徐兖二州鎮廣陵其後或還江南然立鎮自此始也時百姓遭難流移此境流民多庇大姓以為客元帝太興四年詔以流民失籍使條名上有司為給客制度而江北荒殘不可檢實明帝太寧三年郝鑒為兖州鎮廣陵後還京口是後兖州或治盱眙或治山陽桓玄以桓弘為青

州鎮廣陵義熙二年諸葛長民爲青州徙山陽
時鮮卑接境長民表云此蕃十載豐故相襲城
池崩毀荒舊散伏邊疆諸戎不聞鷄犬且犬羊
侵暴抄掠滋甚乃還鎮京口晉末以廣陵控接
三齊故青兗同鎮宋永初元年罷青并兗三年
檀道濟始爲南兗州廣陵因此爲州鎮土甚平
曠刺史每以秋月多出海陵觀濤與京口對岸
江之壯闊處也永明元年刺史柳世隆奏尚書
符下土斷條格并省僑郡縣凡諸流寓本無定
憇十家五落各自星處一縣之民散在州境西
至淮畔東屆海隅今專罷僑邦不省荒邑雜居
舛止與先不異離爲區斷無革游濫謂應同省
隨界并帖若鄉屯里聚二三百家并甸可脩區
域易分者別詳立於是濟陰郡六縣下邳郡四
縣淮陽郡三縣東莞郡四縣以散居無實土官
長無廨舍寄止民村及州治立見省民戶帖屬
領郡如左

廣陵郡

達元四年罷北淮陽北下邳北齊陰東莞四郡并

海陵 廣陵 高郵 江都

齊寧 元明元年置

海陵郡

建陵 寧海 如臯 臨江 蒲濤

臨澤 齊昌 永明元年置 海安 永明五年罷新郡并此縣度屬

山陽郡

東城 山陽 鹽城 左鄉

盱眙郡

考城 盱眙 陽城 直瀆 長樂

南沛郡

沛 蕭 相

北兗州鎮淮陰地理志云淮陰縣屬臨淮郡郡

國志屬下邳國晉太康地記屬廣陵郡穆帝

永和中北中即將荀羨北討鮮卑云淮陰舊鎮地

形都要水陸交通易以觀豐沃野有開殖之利

方舟運漕無他屯阻乃營立城池宋泰始二年

失淮北於此立州鎮建元四年移鎮盱眙仍領

盱眙郡舊北對清泗臨淮守險有平陽石鱉田

稻豐饒所領唯平陽一郡永明七年光祿大夫
呂安國啓稱北兗州民戴尚伯六十人許舊壤
幽隔飄寓失所今雖創置淮陰而陽平一郡州
無實土寄山陽境內竊細見司徐青二州悉皆
新立竝有實郡東平旣是望邦衣冠所係希於
山陽盱眙二界間割小邑置此郡始招集荒落使
本壤族姓有所歸依臣尋東平郡旣是此州本
領臣賤族桑梓願立此邦見許領郡如左
陽平郡寄治山陽

泰清 永陽 安宜 豐國

東平郡

壽張

割山陽官瀆以西三百戶置

淮安

割直瀆破釜以東淮陰鎮下流雜一百戶置

高平郡

濟北郡

泰山郡

新平郡

魯郡

右荒

北徐州鎮鍾離漢志鍾離縣屬九江郡晉太康
二年起居注置淮南鍾離未詳此前所省今晉
地記屬淮南郡宋泰始末年屬南兗元徽元年
置州割為州治防鎮緣淮永明元年省北徐譙
梁魏陽平彭城五郡領郡如左

鍾離郡

燕縣郡

朝歌

虞

永明元年
割馬頭屬

永明元年
割馬頭屬

馬頭郡

已吾

永明元年罷譙郡屬二年判
史戴僧靜又以濟縣并之

濟陰郡

頓丘

永明元年
罷定陶并

睢陵

樂平

永明元年
割鍾離屬

濟安

永明元年
割鍾離屬

新昌郡

頓丘

穀熟

尉氏

沛郡

相

蕭

沛

青州宋泰始初淮北沒虜六年始治鬱州上鬱
州在海中週迴數百里島出白鹿土有田疇魚
鹽之利劉善明為刺史以海中易固不峻城
雉乃累石為之高可八九尺後為齊郡治建元
初徙齊郡治瓜步以北海治齊郡故治州治如舊
流荒之民都縣虛置至於分居土著益無幾焉
建元四年移鎮朐山後復舊領郡如左

齊郡 永明元年罷秦郡并之治瓜步

臨淄 永明二年省華城縣并

齊安 永明元年罷

西安

宿豫 尉氏 平虜 昌國 泰

益都

北海郡

都昌 宋鬱縣建元故用漢名也 廣饒 顛榆 膠東

劇 下密 平壽

東莞琅邪二郡 治朐山也

即丘 南東莞 永明元年以流戶置 北東莞

冀州宋元嘉九年分青州置青州領齊濟南樂
安高密平昌北海東萊太原長廣九郡冀州領

廣川平原清河樂陵魏郡河間頓丘高陽勃海
九郡秦始初遇虜寇並荒沒今所存者秦始之
後更置立也二州共一刺史郡縣十無八九但
有名存案宋志自知也建元初以東海郡屬冀
州全領一郡

北東海郡

治連口

襄賁 僮 下邳 厚丘 曲城

江州鎮尋陽中流衿帶晉元康元年惠帝詔荆
揚二州疆土曠遠有司奏割揚州之豫章鄱陽

廬陵臨川南康建安晉安為新州新安東陽宣
城舊豫章封內豫章之東北相去懸遠可如故
屬揚州又割荊州之武昌桂陽安成并十郡可
因江水之名為江州宜治豫章庾亮領刺史都
督六州去以荆江為本校二州戶口雖相去
事實覺過半江州實為根本臨終表江州宜治
尋陽以州督豫州新蔡西陽二郡治潁城接近
東江諸郡往來便易其後庾翼又還豫章義熙
後還尋陽何無忌表竟陵去治遠遠去江陵止

三百里荆州所立綏安郡民戶參八此境郡治常在夏口左右欲資此郡助江濱戎防以竟陵還荊州又司州弘農揚州松滋二郡寄尋陽人

民雜居宜竝見督今九江在州鎮之北彭蠡在其東也領郡如左

尋陽郡 柴桑 彭澤

豫章郡 南昌 新淦 艾 建城 建昌

望蔡 新吳 永脩 吳平 康樂

豫章 豐城

臨川郡

南城 臨汝 新建 永城 宜黃

南豐 東興 安浦 西豐

廬陵郡

石陽 西昌 東昌 吉陽 巴丘

興平 高昌 陽豐 遂興

鄱陽郡

鄱陽郡

鄱陽 餘干 葛陽 樂安 廣晉

上饒

安成郡

平都 新喻 永新 萍鄉 宜陽

廣興 安復

南康郡

贛 雩都 南野 寧都 平固

陂陽 虔化 永明八年罷安遠縣并 南康

南新蔡郡

慎昌 苞信 陽唐左縣 宋

建安郡

吳興 建安 將樂 邵武 建陽

綏城 沙村

晉安郡

侯官 羅江 原豐 晉安 溫麻

廣州鎮南海濱際海隅委輸交部雖民戶不多而俚獠猥雜皆樓居山險不肯賓服西南二江川源深遠別置督護專征討之捲握之資富兼

十世尉他餘基亦有霸迹江左以其遠遠蕃戚
未有居者唯宋隨王誕為刺史領郡如左

南海郡

番禺 熙安 博羅 增城 龍川

懷化 酉平 綏寧 新豐 羅陽

高要 安遠 河源

東官郡

懷安 寶安 海安 欣樂 海豐

齊昌 陸安 興寧

義安郡

綏安 海寧 海陽 義招 潮陽

程鄉

新寧郡

博林 南興 臨沈 甘泉 新成

威平 單牒 龍潭 城陽 威化

歸順 初興 撫納 平鄉

蒼梧郡

廣信 寧新 封興 撫寧 遂城

丁留 懷熙 猛陵 廣寧 蕩康
僑寧 思安

高涼郡

安寧 羅州 莫陽 西鞏 思平
禽鄉 平定

永平郡

夫寧 安沂 叟安 盧平 負鄉
蘇平 浦寧 雷鄉 開城 毗平
武林 豐城

晉康郡

威城 都城 夫阮 元溪 安遂
晉化 永始 端溪 賓江 熙寧
樂城 武定 悅城 文招 義立

新會郡

盆允 新夷 封平 初賓 封樂
義寧 新熙 永昌 始康 招集
始成

廣熙郡

廣熙郡

龍鄉 羅平 賓化 寧鄉 長化

定昌 永熙 寶寧

宋康郡 寧 博 永昌 始集

廣化 石門 化隆 遂度 威覃

單城 開寧 海鄰 輿定 綏定

宋隆郡 為定 綏定 義立

平興 招興 崇化 建寧 熙穆

崇德 大元 義立 安

海昌郡 綏定 義立 安

寧化 招懷 永建 始化 新建

綏建郡 綏定 義立 安

新招 四會 化蒙 化汪 化穆

樂昌郡 綏定 義立 安

始昌 樂山 宋元 義立 安樂

鬱林郡 綏定 義立 安

布山 鬱平 阿林 建安 始集

龍平 賓平 新林 綏寧 中冑

領方 懷安 歸化 晉平 威化

桂林郡

武熙 騰溪 潭平 龍岡 臨浦

中留 武豐 程安 威定 潭中

安遠 安化 龍定

寧浦郡

安廣 簡陽 平山 寧浦 興道

吳安

晉興郡

晉興 熙廷 桂林 增翊 安廣

廣鬱 晉城 鬱陽

齊樂郡

希平 觀寧 臻安 宋平 綏南

封陵

齊康郡

樂康

齊建郡

初寧 永城

齊熙郡

交州鎮交趾在海漲島中揚雄箴曰交州荒帶
水與天際外接南夷寶貨所出山海珍怪莫與
為比民恃險遠數好反叛領郡如左

九真郡

移風 胥浦 松原 高安 建初
常樂 津梧 軍安 吉龐 武寧

武平郡

武定 封溪 平道 武興 根寧

南移

新昌郡

范信 嘉寧 封山 西道 臨西
吳定 新道 晉化

九德郡

九德 咸驩 浦陽 南陵 都汶

越常 西安

日南郡

西捲 象林 壽冷 朱吾 比景
盧容 無勞

交趾郡

龍編 武寧 望海 句漏 吳興

西于 朱戴 南定 曲易 海平

羸樓

宋平郡

昌國 義懷 綏寧

宋壽郡

建元二年
割越州屬

義昌郡

永元二年
改沃屯置

越州鎮臨漳郡本合浦北界也夷獠叢居隱伏

巖障寇盜不賓略無編戶宋泰始中西江督護

陳伯紹獵北地見二青牛驚走入草使人逐之

不得乃誌其處云此地當有奇祥啓立為越州

七年始置百梁隴蘇永寧安昌富昌南流六郡

割廣交朱戴三郡屬元徽二年以伯紹為刺史

始立州鎮穿山為城門威服俚獠土有瘴氣殺

人漢世交州刺史每暑月輒避處高今交土調

和越瘴獨甚刺史常事戎馬唯以貶伐為務

臨漳郡

漳平 丹城 勞石 容城 長石
都井 緩端

合浦郡

徐聞 合浦 朱盧 新安 晉始

蕩昌 朱豐 宋豐 宋廣

永寧郡

杜羅 金安 蒙 廖簡 留城

百梁郡

百梁 始昌 宋西

安昌郡

武彘 龍淵 石秋 撫林

南流郡

方度

北流郡

永明六年立無屬縣

龍蘇郡

龍蘇

富昌郡

南立 義立 歸明

高興郡

宋和 寧單 高興 威成 夫羅

南安 歸安 陳蓮 高城 新建

思築郡

鹽田郡

杜同

定川郡

興昌

隆川郡

良國

齊寧郡

建元二年置割鬱林之新邑建初二縣并

開城建元二年置 延海 新邑 建初

越中郡

馬門郡

鍾吳 田羅 馬陵 思寧

封山郡

安金

吳春俚郡

永明六年立無屬縣

齊隆郡 先屬交州中改為 末秦
元年改為齊隆還屬

志第六

南齊書十四

志第七

南齊書十五

州郡下

臣蕭

子顯

撰

荆巴郢司雍

湘梁秦益寧

荆州漢靈帝中平末刺史王睿始治江陵吳時西陵
督鎮之晉太康元平吳以為刺史治愍帝建興元
年刺史周顛避杜弋賊奔建康陶侃為刺史治沌口
王敦治武昌其後或還江陵或在夏口桓温平蜀治江

陵以臨沮西界水陸紆險行逕裁通南通巴巫東南出
州治道帶蠻延畝土肥美立為汶陽郡以處流民屬民
陷襄陽桓沖避居上明頓陸遜樂鄉城上四十餘里以
田地肥良可以為軍民資實又接近三峽無西疆之虞
故重戍江南輕戍江北苻堅敗後復得襄陽太元十四
年王忱還江陵江陵去襄陽步道五百勢同唇齒無
襄陽則江陵受敵不立故也自忱以來不復動移境
域之內含帶蠻延畝地遼落稱為殷曠江左大鎮莫
過荆揚弘農郡陝縣周世二伯摠諸侯周公上陝

東召公主陝西故稱荊州為陝西也領郡如左
南郡

江陵 華容 枝江

臨沮 編 當陽

南平郡

孱陵 作唐 江安 安南

天門郡

零陽 澧陽 臨澧 澧中

宜都郡

夷道 佷山 夷陵 宜昌

南義陽郡

平氏 厥西

河東郡

聞喜 松滋 譙 永安

汝陽郡

僮陽 沮陽 高安

新興郡

定襄 新豐 廣牧

永寧郡

長寧 上黃

武寧郡

樂鄉 長林

巴州三峽險隘山蠻寇賊宋泰始三年議立三
巴校尉以鎮之後省昇明二年復置建元二年
分荊州巴東建平益州巴郡為州立刺史而領
巴東太守又割涪陵郡屬永明元年省各還本
屬焉

殿本缺

巴東郡

魚復 朐腮 南浦 聶陽

巴渠 新浦 漢豐

建平郡

巫 秭歸 北井 秦昌

沙渠 新鄉

巴郡

江州 枳 墊江 臨江

涪陵郡

漢平 涪陵 漢政

郢州鎮夏口舊要害也吳置督將為魯屯對

魯山岸因為名也晉永嘉中荊州刺史都督山

簡自襄陽避賊奔夏口庾翼為荊州治夏口

並依地嶮也泰元中荊州刺史桓沖移鎮上明

上表言氏賊送死之日舊郢以北壁相望待

以不戰江州刺史桓嗣且進屯夏口據上下之

中於事為便義熙元年冠軍將軍劉毅以為

夏口三州之中地居形要控接湘川邊帶滇沔

請并州刺史劉道規鎮夏口夏口城據黃鵠磯
世傳仙人子安乘黃鵠過此上也邊江峻險樓
檣高危瞰臨沔漢應接司部宋孝武置州如
此以分荆楚之勢領郡如左

江夏郡

沙陽 蒲圻 澠陽 汝南

沌陽 惠懷

竟陵郡

竟陵 雲杜 霄城 長壽

新市 新陽

武陵郡

沅陵 臨沅 零陵 辰陽

西陽 沅南 漢壽 龍陽

澧陽 黔陽

巴陵郡

下雋 州陵 巴陵 監利

武昌郡

武昌 鄂 陽新 義寧 寄治鄂

真陽 永明三年
戶口簿無

西陽郡

西陵 蘄陽 西陽 孝寧

期思 永明三年
戶口簿無 義安左縣

希水左縣 東安左縣 蘄水左縣

齊興郡 永明三年置

綏懷 齊康 昔波 綏平

齊寧 上蔡 永明三年
戶口簿無

東祥柯郡 永明三年
戶口簿無

宜 南平陽 西新市 南新市

西平陽 東新市

方城左郡

城陽 歸義

北新陽郡

西新陽 安吉 長寧

義安左郡

綏安

南新陽左郡

南新陽 新興 北新陽 角陵 新安

北遂安左郡 未明三年簿云五縣皆缺

東城 綏化 富城 南城 新安

新平左郡

平陽 新市 安城

建安左郡

霄城

司州鎮義陽宋景平初失河南地元嘉嘉宋僑立州於汝南縣瓠尋罷泰始中立州於義陽郡有

三關之隘北接陳汝控帶許洛自此以來常為

邊鎮泰始既遷領義陽僑立汝南領三郡元

徽四年又領安陸隨安蠻三郡領郡如左

南義陽郡興 北漢良 真陽 安城 南義陽

孝昌 平輿 義昌 平陽

南安 平春 保中 義昌 富方

北義陽郡

平陽 義陽 保城 鄆

鍾武 環水

隨郡

隨 永陽 關西 安化

安陸郡

寄州治

安陸 應城 新市 新陽 宣化

汝南郡

寄州治

平輿 北新息 真陽 安城 南新息

安陽 臨汝 汝南 上蔡

齊安郡

齊安 始安 義城

南安 義昌 義安

淮南郡

閣口 平氏

宋安左郡

仰澤 樂寧 襄城

安蠻左郡

木蘭 新化 懷 中冝陽

南冝陽 安蠻

永寧左郡

曲烈 曲烈 安寧

中曲陵 曲陵 孝懷 安德

東義陽左郡

永寧 革音 威清 永平

東新安左郡

第五 南平林 始平 始安 平林

義昌 固城 新化 西平

新城左郡

孝懷 中曲 南曲陵 懷昌

圍山左郡

及刺 章平 北曲 洛陽

圍山 曲陵

建寧左郡

建寧 陽城

北淮安左郡

高邑

南淮安左郡

慕化 栢源

北隨安左郡

濟山 油潘

東隨安左郡

西隨 高城 牢山

雍州鎮襄陽晉中朝荊州都督所治也元帝以魏該為雍州鎮鄴城襄陽別有重戍庾翼為荊州謀北伐鎮襄陽自永嘉亂襄陽民戶流荒咸康八年尚書殷融言襄陽石城疆場之地對接荒寇諸荒殘寄治郡縣民戶寡少可并合之朱序為雍州於襄陽立僑郡縣沒符氏氏敗復還南復用朱序襄陽左右田土肥良桑梓野澤處處而有郗恢為雍州于時舊民甚少新戶稍多宋元嘉中割荊州五郡屬遂為大鎮疆蠻帶沔阻以重山北接宛洛平塗直至跨對樊沔為鄢郢北門部領蠻左故別置蠻府焉領郡如左

襄陽郡

襄陽 中廬 郢 建昌

南陽郡

宛 涅陽 冠軍 舞陰 鄧

云陽 許昌 武軍 舞陽 穰

新野郡

新野 山都 池陽 穰 交木 惠懷

始平郡

武當 武陽 始平 平陽

廣平郡

鄴 比陽 廣平 大陽

京兆郡

鄧 新豐 杜 魏

扶風郡

筑陽 郿 汎陽

馮翊郡

郡 蓮勺 高陸

河南郡

河南 新城 棘陽 襄鄉 河陰

南天水郡

略陽 華陰 西

義成郡

義成 萬年 義成

建昌郡 華山 西

南天 永興 安寧

華山郡 華山 華山 華山 華山

藍田 華山 上黃

南上洛郡 建武中此以下郡皆沒虜

上洛 商

北河南郡

新蔡 汝陰 上蔡 緱氏 洛陽

新安 苞信

弘農郡

邯鄲 圍 盧氏

從陽郡

南鄉 槐里 清水 丹水 鄭 從陽

西汝南郡

北上洛郡

齊安郡

齊康郡

招義郡

右五郡不見屬縣

寧遠府領郡如左

西新安郡

新安 汎陽 安化 南安

義寧郡

筑義寧 汎陽 武當 南陽

南襄郡

新安 武昌 建武 武平

北建武郡

東長秋 霸北郡 高羅

西長秋 平丘

蔡陽郡

樂安 東蔡陽 西蔡陽 新化

揚子 新安

永安郡

東安樂 新安 西安樂 勞泉

安定郡

思歸 歸化 阜亭 新安

士漢 士頊

懷化郡

懷化 編 遂城 精陽

新化 遂寧 新陽

武寧郡

新安 武寧 懷寧 新城 永寧

新陽郡

東平林 頭章 新安 朗城 新市

新陽 武安 西林

義安郡

郊鄉 東里 永明 山都 義寧

西里 義安 南錫 義清

高安郡

高安 新集

左義陽郡

南襄城郡

廣昌郡

東襄城郡

北襄城郡

懷安郡

北弘農郡

西弘農郡

析陽郡

北義陽郡

漢廣郡

中襄城郡

右十二郡沒虜

湘州鎮長沙郡湘川之奧民豐土閑晉永嘉元年分荆州置苟眺為刺史此後三省輒復置元嘉十八年置至今為舊鎮南通嶺表層齒荆區領郡如左

長沙郡

臨湘 羅 湘陰 醴陵 劉陽

建寧 吳昌

桂陽郡

柳 臨武 南平 耒陽 晉寧 汝城

零陵郡

泉陵 洮陽 零陵 祁陽 觀陽

永昌 應陽

衡陽郡

湘西 益陽 湘鄉 新康 衡山

營陽郡

營道 泠道 營浦 春陵

湘東郡

茶陵 新寧 攸 臨蒸 重安 陰山

邵陵郡

都梁 邵陵 高平 武剛 建興

邵陽 扶

始興郡

曲江 桂陽 仁化 陽山 令階

含洳 靈溪 中宿 湏陽 始興

臨賀郡

臨賀 馮乘 富川 封陽 謝沐

興安 寧新 開建 撫寧

始安郡

本名始建齊改

始安 荔浦 建陵左縣 熙平

永豐 平樂

齊熙郡

梁州鎮南鄭魏景元四年平蜀所置也晉永嘉元年蜀賊沒漢中刺史張光治魏興三年還漢中建興元年又為氐楊難敵所沒相溫平蜀復舊土後為譙縱所沒縱平復舊每失漢中刺史

輒鎮魏興漢中為巴蜀扞蔽故劉備得漢中云曹公雖來無能為也是以蜀有難漢中輒沒雖時還復而戶口殘耗宋元嘉中甄法護為氐所攻失守蕭思話復還漢中後氐虜數相攻擊關隴流民多避難歸化於是民戶稍實州境與氐胡相隣亦為威御之鎮領郡如左

漢中郡

南鄭 城固 沔陽 西鄉 西上庸

魏興郡

廣興縣 西城 旬陽 興晉 廣昌南廣城 永元志無

廣城 西陽 西土膏

新興郡 永元二年志無

吉陽 東關

南新城郡 綏陽 昌魏 祁鄉 閬陽 樂平

房陵 上庸郡 房陵 綏陽 昌魏 祁鄉 閬陽 樂平

上庸郡 房陵 綏陽 昌魏 祁鄉 閬陽 樂平

上庸郡 武陵 齊安 北巫 上廉

微陽 新豐 新安 吉陽

晉壽郡 晉壽 邵歡 興安 白水

華陽郡 華陽 興宋 嘉昌

新巴郡 新巴 晉城 晉安

北巴西郡 閬中 安漢 宋壽 南國

西國 平周 漢昌

西國 平周 漢昌

西國 平周 漢昌

西國 平周 漢昌

西國 平周 漢昌

巴渠郡

宣漢

晉興

始興

巴梁

東關

始安

下蒲

懷安郡

懷安

義存

宋熙郡

興平

宋安

陽安

元壽

嘉昌

永元志無

白水郡

晉壽

新巴

漢德

益昌

興安

平周

南上洛郡

上洛

商

流風

北豐

陽渠

北上洛郡

上洛

商

豐陽

永元志無流民

柘陽

陽亭

齊化

西曲

丹陽

東鄴

齊寧

永元志無

京兆

新寧

永元志無新附

安康郡

安康

寧都

南宕渠郡

宕渠

漢安

宣漢

宋康

懷安郡

永豐

緱成

西預德

北陰平郡

陰平

平武

南陰平郡

陰平

懷德

齊興郡

齊興志無安白志無鄭鄉

安富

略陽

晉昌郡

安晉

宣漢

吉陽

長壽

東關

新興

延壽

安樂

東晉壽郡

右二郡縣已事亡

弘農郡

東昌魏郡

略陽郡

北梓潼郡

廣長郡

武水郡

思安郡

宋昌郡

建寧郡

南泉郡

三巴郡

涪陵郡

懷化郡

歸寧郡

東棧郡

北宕渠郡

宋康郡

南漢郡

南梓潼郡

始寧郡

江陽郡

六十四

南漢書卷之二十一

南部郡

南安郡

建安郡

壽陽郡

南陽郡

宋寧郡

歸化郡

始安郡

平南郡

懷寧郡

新興郡

南平郡

齊北郡

齊昌郡

新化郡

寧章郡

隣溪郡

京兆郡

義陽郡

歸復郡

安寧郡

東宕渠郡

宋安郡

齊安郡

凡四十五郡荒或無民戶

秦州晉武帝泰始五年置舊土有秦之富跨帶隴坂太康省惠帝元康七年復置中原亂沒

胡穆帝永和八年胡偽秦州刺史王擢降仍以爲刺史尋爲苻健所破十二年桓温以氐王楊國爲秦州刺史未有民土至泰元十四年雍州刺史朱序始督秦州則孝武所置也寄治襄陽未有刺史是後雍州刺史常督之隆安二年郭銓始爲梁南秦州刺史州寄治漢中四年桓玄督七州桓云秦州元興元年以苻堅子宏爲北秦州刺史自此荊州都督常督秦州梁州當帶南秦州刺史義熙三年以氐王楊國爲北秦

州刺史十四年置東秦州劉義真為刺史郭恭
為梁州刺史尹雅為秦州刺史宋文帝為荊州
都督督秦州又進督北秦州州名雜出省置不
見永明郡國志秦州寄治漢中南鄭不曰南北
元嘉計偕亦云秦州而荊州都督常督秦梁
南秦一刺史是則志所載秦州為南秦氏為北
秦領郡如左

武都郡

下辯

上祿

陳倉

略陽郡

略陽

臨漢

安固郡

安固

南栢

西扶風郡

郿

武功

京兆郡

杜

藍田

鄠

南太原郡

平陶

始平郡

始平 槐里 宋熙

天水郡

新陽 河陽

安定郡

宋興 朝那

南安郡

相道 中陶

金城郡

金城 榆中 臨洮 襄

馮翊郡

蓮勺 頻陽 下邳 萬年 高陵

隴西郡

河關 狄道 首陽 大夏

仇池郡

上辯 倉泉 白石 夷安

東寧郡

西安 北地 南漢

益州鎮成都起魏景元四年所治也開拓夷荒
稍成郡縣如漢之永昌晉之雲山之類是也蜀
侯輝社以來四為偏據故諸葛亮云益州險塞
沃野天府劉頌亦謂成都宜處親子弟以為王
國故立成都王頴竟不之國三峽險阻蠻夷孔
熾西通芘芘河南亦如漢武威張掖為西域之
道也方面疆鎮塗出萬里晉世以處武臣末世
亦以險遠諸王不牧秦始中成都市橋忽生

小洲始康人邵碩有術數見之曰洲生近市常
有貴王臨境永明二年而始興王鎮為刺史州
上壤富西方之一都焉領夷齊諸郡如左

郡見巴州

蜀郡

成都 郫 牛鞞 繁 永昌

廣漢郡

雒 什方 新都 郫 伍城 陽泉

晉康郡

郡見巴州

江原 臨邛 從陽 晉樂 漢嘉
寧蜀郡

廣漢 升遷 廣都 墊江
汶山郡

都安 齊基 漫官
南陰平郡

陰平 綿竹 南鄭 南長樂
東遂寧郡

巴興 小漢 晉興 德陽
始康郡

康晉 談敷 新成
永寧郡

欣平 永安 宜昌
安興郡

南漢 建昌
犍為郡

南安 資中 冶官 武陽
江陽郡

江陽 常安 漢安 綿

安固郡 襄道 南安 資中 晉 定

栢陵 臨渭 興固 南苞 清水

沔陽 南城固

懷寧郡

萬年 西平 懷道 始平

巴西郡

閬中 安漢 西充國 南充國 漢昌

平州 益昌 晉興 東關

梓潼郡

涪 梓潼 漢德 新興 萬安 西浦

東江陽郡

漢安 安樂 綿水

南晉壽郡

南晉壽 泉 南興

西宕渠郡

宕渠 宣漢 漢初 東關

天水郡

天水郡 西 上邽 冀 宋興

南新巴郡 永元志寄 治陰平 東關

西京果 新巴 晉熙 桓陵

北陰平郡 晉壽 泉 南興

陰平 南陽 北桓陵 扶風

慎陽 京兆 綏歸

新城郡

下辯 略陽 漢陽 安定

扶風郡 見永元三年志

武江 華陰 茂陵

南安郡 見永元三年志

南安 華陽 白水 樂安 相道

東宕渠獠郡

宕渠 平州 漢初

北部都尉

越舊獠郡

沈黎獠郡

蚕陵 今無戶數

甘松獠郡

始平獠郡

齊開左郡

齊通左郡

右二左郡建武三年置

寧州鎮建寧郡本益州南中諸葛亮所謂不
毛之地也道遠土瘠蠻夷眾多齊民甚少諸
爨氏彊族恃遠擅命故數有土反之虞領郡如
左建平郡

同樂 同瀨 牧麻 新興 新定

味介 同竝 萬安 昆澤 漏江

談橐 母單 存駝

南廣郡

南廣 常遷 晉昌 新興 容縣

南朱提郡

朱提 漢陽 堂狼 南秦

南牂牁郡

且蘭 萬壽 母歛 晉樂 綏寧 丹南

梁水郡

梁水 西隨 毋掇 勝休 新豐

建安 驃封 棠郊 南秦

建寧郡

新安 永豐 綏雲 遂安 麻雅

臨江

晉寧郡

建伶 連然 滇池 俞元 穀昌

秦臧 雙栢

雲南郡

東古復 西古復 雲平 邪龍

西平郡

西平 暖江 都陽 西寧 晉綏

新城

夜郎郡

夜郎 談栢 談樂 廣談

東河陽郡

東河陽 樸榆

西河陽郡

東河陽郡

平蠻郡

興古郡

興寧郡

西阿郡

平樂郡

北朱提郡

宋昌郡

永昌郡

比蘇

建安

成昌

平蠻

穀邑

西中

宛暖

律高

句町

漏卧

南興

青蛉

弄棟

楛榆

新豐

遠

益寧

安寧

河陽

義城

江陽

安上

犍為

有名無民曰空荒不立

永安 永 不建 犍瓊 雍鄉

西城 博南

益寧郡 永明五年刺史董仲舒洛置領二縣無民戶自此已後皆然也

武陽 綿水

南犍為郡 永明二年置

西益郡

江陽郡

犍為郡

永興郡

永寧郡

安寧郡

右六郡隆昌元年置

東朱提郡 延興元年立

安上郡 建武三年刺史郭安明啓置

贊曰郡國既建因州而部離過十三合不踰九分城列邑各號殷阜遷徙叛逆代立代有

志第七

南齊書十五

齊書卷七 齊書卷七 齊書卷七

齊書卷七 齊書卷七 齊書卷七

齊書卷七 齊書卷七 齊書卷七

齊書卷七 齊書卷七 齊書卷七

齊書卷七 齊書卷七 齊書卷七

齊書卷七 齊書卷七 齊書卷七



